

四庫全書

集部

欽定四庫全書

宋詩鈔卷八十九

內閣中書舍人吳之振編

劉克莊後村集

劉克莊字潛夫莆陽人後村其號學於真西山以廕  
入仕除潮倅遷建陽令移仙都嘗詠落梅有東君謬  
掌花權柄却忌孤高不主張讒者箋其詩以示柄臣  
由此閒廢十載因有病後訪梅絕句云夢得因桃却

左遷長源為柳忤當權幸然不識挑并柳也被梅花  
累十年後起至將作簿兼叅議端平初為玉牒所主  
簿奉祠起知袁州累遷廣東運判又奉祠起江東提  
刑召對以將作監直華文閣賜同進士出身專史事  
尋入經筵直綸省無何以留黃不奉詔用秘閣修撰  
出為福建提刑初趙紫芝徐道暉諸人擺落近世詩  
律歛情約性因狹出奇合於唐人時謂四靈體格後  
村年甚少刻琢精麗與之並驅已而厭之謂諸人極

客中作

漂泊何須遠離鄉即旅人吹薪嘗海品書刺謁田鄰家  
寄寒衣少山來曉夢頻小兒仍病瘡詩句竟無神

小寺

小寺無蹊徑行時認蘚痕犬寒鳴似豹僧老瘦于猿澗  
水來旋磨山童出閉門城中梅未見已有數株繁

晚春

花事匆匆了人家割麥初雨多田有鵲潮小市無魚禿

筆回僧簡襖衣看古書經年稀見客磬折轉生疎

夜過瑞香菴作

夜深捫絕頂童子旋開扉問客來何暮云僧去未歸山  
空聞瀑瀉林黑見螢飛此境惟予愛他人到想稀

蒜嶺

到此思家切寒衣半浹痕燒餘山頂禿潮至海波渾僕  
怕昏無店人言近有村吾生輸野老笑語掩柴門

浦城道中

纔入仙霞路重裘尚不支居人收柏實客子辨梅詩地  
濕然其坐霜寒隔被知向來真錯計不買草堂基

幽居寺

相傳有儒者唐季隱茲峰電已收遺葉雲方鎖暮鐘木  
碑無世次石洞斷人蹤此士何曾死林深不可逢

哭容倅舅氏二首

老赴容州辟移書勸不回客迎蕭寺哭喪附海舟來瘴  
雨銘旌暗空山梵磬哀未知墳上栢此去幾時栽

尚記陪言笑如今叫不應  
覓分身後俸僧上殯前燈  
宅有遺基在田無一畝增  
問天何至此在日以廉稱

吳大帝廟

露坐空山裏英靈喚不迴  
久無祠祭至曾作帝王來  
壞壁蟲傷畫殘爐鼠印灰  
今人渾忘却江左是誰開

鐵塔寺

細認苔間字方知鑄塔時  
不因兵廢壞似有物扶持  
古殿人開少深窗日上遲  
僧言明受事相對各攢眉

哭薛子舒二首

鑿自金壇至猶言疾可為瀕危人未信聞死世皆疑交  
共收殘藁妻能讀殮儀借來書冊子掩淚付孤兒  
忍死教磨墨留書訣父兄讀來堪下淚寄去怕傷情墓  
要師為誌詩於世有名夜闌秋枕上猶夢共山行

贈川郭

川郭顛狂甚平生挾術遊老猶攜侍女貧不諂公侯用  
藥多投病訓錢或掉頭金陵官酒貴應典舊貂裘



贈錢道人

除了布裘外都無物自隨  
跣能行大雪飢但嚙華池說  
相言多驗嫌錢事更奇  
一般難曉處裝背貴人詩

送鄒景仁

衝寒何處去新戍尚來年  
客勸休辭幕君言已買船  
霜清江有蟹葉脫木無蟬  
若過東林寺攜家往問禪

二將

石侯  
韓仔

二將同時死路人聞亦哀  
力窮麈轉急圍厚突難開  
戰

骨尋應在殘兵間有迴傷心郵遞裏隔日捷書來

蒜嶺夜行

嶺頭無復一人來  
漁店收燈戶不開  
松氣滿山涼似雨  
海聲中夜近如雷  
擬披醉髮橫簫去  
只寄鄉書與劍迴  
他日有人傳肘後  
尚堪收拾作詩材

別教器之

舊說閩人苦節稀  
先生獨抱歲寒姿  
老年絳帳聊開講  
當日烏臺要勘詩  
東閣不遊緣有氣  
草堂未架為無貲

輕煙小雪孤行路折牘梅花寄一枝

哭楊吏部通老

白首為郎已晚哉民間桑柘手親栽  
蓋棺只著淡衣去行李空擔語錄迴  
主祭遺孤猶未冠著書殘藁漫成灰  
可憐薄命飄飄客虛事江西幕府來

老歎

肘後寄書懶更開只今年鬢已相催  
但聞方士騰空去不見童男入海迴  
無藥能留炎帝在有人曾哭老聃來

醉鄉一路差堪向  
終擬劉伶冢畔埋

答友生

讀易參禪事事奇  
高情已恨挂冠遲  
清于楚客滋蘭日  
貧似唐人乞米時  
家為買琴添舊債  
厨因養鶴減晨炊  
君看江表英雄傳  
何似孤山一卷詩

趙清獻墓

南渡先賢迹已稀  
蕭然華表立山陂  
可曾長吏修祠宇  
便恐樵人落樹枝  
幾度過墳偏下馬  
向來出蜀只攜龜

自憐日暮天寒客不到林間讀隧碑

呈袁秘監

近日頻聞有峻除人傳君相重師儒細旃坐穩方輪講  
羣玉峰高未要扶別後曾過東閣否新來亦乞鑑湖無  
幾時供帳都門外真寫先生作畫圖

漁梁

春泥滑滑雨絲絲一路陰寒少霽時水入陂渠喧似瀑  
雲從山崦上如炊燎衣去傍田家火炙燭來看野店詩

落盡梅花心事惡獨搔蓬鬢遶殘枝

小梓人家

生來拙性嗜清幽因過山家為小畱頂笠兒歸行樹杪  
提瓶婦去汲溪頭參天老竹當門碧盡日寒泉遶舍流  
我料草堂猶未架規模已被野人偷

瓜洲城

先朝築此要防邊不遣邊人見戰船遮斷難傳河朔檄  
修來大費水衡錢書生空抱聞鷄志故老能言飲馬年

慚愧戍兵身手健，箔樓各占一間眠。

鳳凰臺晚眺

經月疎行臺上路，秣陵城郭忽秋風。  
馬嘶衛霍空營裏，螢起齊梁廢苑中。  
野寺舊曾開玉帳，翠華久不幸離宮。  
小儒記得隆興事，閒對山僧說魏公。

贈玉隆劉道士

觀中曾訪老黃冠，爾尚為童立醮壇。  
新染氎衣披得稱，舊泥丹竈出來寒。  
詩非易作須勤讀，琴亦難精莫廢彈。

憶上洪崖題瀑布因將試為拂塵看

晉元帝廟

元帝新祠西郭外野人弔古獨來游  
陰陰畫壁開冠劍寂寂絲窠上  
縹緲勢比龍盤猶在眼事隨鴻去不回頭  
葉碑廊下無人看欲去摩挲又少畱

清涼寺

塔廟當年甲一方千層金碧萬緇郎  
開山佛已成闕鬼住院僧猶說李王遺像有塵龕  
壞壁斷碑無首立斜陽



惟應駐馬坡頭月曾見金輿夜納涼

冶城

斷鏃遺鎗不可求西風古意滿原頭  
孫劉數子如春夢王謝千年有舊遊  
高塔不知何代作暮笳似說昔人愁  
神州只在闌干北度度來時怕上樓

雨花臺

昔日講師何處在高樓猶似雨華名  
有時寶向泥尋得一片山無草敢生  
落日磬殘鄰寺閉晴天牛上廢陵耕

登臨不用深懷古君看鍾山幾個爭

新亭

此是晉人遊集處當時風景與今同不干鐵鏹樓船力  
似是蒲葵塵柄功幾簇旌旗秋色裏百年陵闕淚痕中  
興亡畢竟緣何事專罪清談恐未公

真州北山

憶昔邊兵入控弦官軍迎戰北山邊笳簫有主安新葬  
蓑笠無人壑廢田兵散荒營吹戍笛僧從敗屋起茶煙

遙憐鍾阜諸峰好閒鎖行宮九十年

故宅

恰則炎炎未百年今看枯柳着疎蟬  
莊田置後頻移主書畫殘來亦賣錢  
春日有花開廢園歲時無酒滴荒阡  
朱門從古多如此想見魂歸也愴然

送周監門

一領青衫似敗荷奈君母老秩卑何  
三年幕府無人薦常日柴門有客過  
身畔擔輕藏俸少江頭船重載書多

故人若問軍中事為說防秋夜枕戈

挽黃巖趙郎中二首

朱公徒弟丘公壻標致雖高氣宇和心向奏篇尤暴白  
髮因時事欲蒼皤訃傳淮甸邊情惜路出蕭山巷祭多  
最長郎君師友盛我知墓碣有人磨

青衫昔作督郵時賞鑒除公更有誰勘獄不嫌人守法  
撰文常對衆稱奇築臺虛辱生前意穿冢難訓地下知  
欲寫哀思傳挽者身今戎服不能詩

金溪先生集卷八十九  
寄趙昌父

世上久無遺逸禮此翁白首不彈冠一生官職監南嶽  
四海詩盟主玉山經歲著書人少見有時入郭俗爭看  
何因樵服供薪水得附高名野史間

豫章溝

溝水冷冷草樹香獨穿支徑入垂楊薺花滿地無人見  
唯有山蜂度短牆

野店蕭蕭掩竹門岸沙猶記履綦痕東風枉是吹花急

綠盡平蕪却斷魂

西山

絕頂遙知有隱君  
飡芝種朮鹿為羣  
多應午竈茶煙起  
山下看來是白雲

秋風

黃葉蕭蕭忽滿街  
獨騎瘦馬豫章臺  
莫將宋玉心中事  
吹向潘郎髣髴來

跋小寺舊題

禪几曾陪白氎巾  
柑花似雪鬪芳新  
而今柑子圓如彈  
不見澆花供佛人

憶殤女

靈照羈魂章水西  
冷風殘雪古招提  
老懷已作空花看  
更把楞嚴曉病妻

歸至武陽渡作

夾岸盲風掃棟花  
高城已近被雲遮  
遮時畱取城西塔  
篷底歸人要認家

古墓

石麟闕耳筍生苔  
要讀豐碑與客來  
精舍荒涼僧已出  
瓦牆一朵佛桑開

下蜀驛

惺殿荒涼屋欠扶  
紹興遺老故應無  
舊來曾識高皇帝  
尚有庭前柳一株

出郭

江邊一雨洗秋容  
止郭東郊野意濃  
老大怕它人檢點



隔溪隔柳看芙蓉

再贈錢道人

拙貌慚君仔細看  
鏡中我自覺神寒  
直從杜甫編排起  
幾箇吟人作大官

蒙恩監南嶽廟

久問嫖姚乞退閒  
今朝準勅放生還  
人欺解罷青油幕  
帝遣監臨紫蓋山  
營卒展辭回玉帳  
林僧講賀到柴關  
丈夫不辦封侯事  
猶要名標處士間

烏石山

兒時逃學頻來此一一重尋盡有蹤因瀉戲魚羣下水  
緣敲響石關登峰熟知舊事惟隣叟催去韶華是暮鐘  
畢竟世間何物壽寺前雷仆百年松

葺居

兵火間關髯欲絲歸來聊卜草堂基架畱手澤書堪看  
甕有躬耕米可炊畏濕先開通水竇貪明稍斫近簷枝  
旋移梅樹臨窗下準備花時要索詩

挽趙仲白二首

生被才名譴摧殘到死休家留遺藁在棺問故人求對  
月悲孤詠逢山憶共遊昔年攜手地今送入松楸

昨弔寢門外萊妻泣最悲因言兒上學復為墓求碑零  
落燒丹訣淒涼哭鶴詩託孤朋友事非謂九泉知

除夕

除夕陰寒怕卷簾雨聲斷續下疎簷壁穿自和乾泥補  
窗損教尋廢紙粘祇有青燈相守定縱無白髮亦生添

更殘自算明年事不就君平卦肆占

挽鄭淑人

李尚書內

憶在軍中為記室謝公門館事皆知謙卑若婦初嬪日  
儉素猶夫未貴時病了死生惟點首晚憂家國每顰眉  
舊人猶有任安在攬涕西風獻些詞

悼阿昇

寶惜吾兒如拱壁那知變滅只須臾畏啼尚宿通宵火  
塗頤猶殘隔日朱坐客相寬云夢幻故人來弔訝清癯

荒山歲晚無行跡  
心折原頭樹影孤

送真舍人帥江西三首

諫書元不為求名  
上有蒼穹鑒至誠  
絕塞傳觀皆動色  
豈知難悟漢公卿

舶客珠犀湊郡城  
向來點斲幾名卿  
海神亦歎公清德  
少見孤舟箇樣輕

應對談諧路亦開  
漢家天子日招徠  
當時惟有膠西相  
不向平津閣裏來

立春二首

恰歸舊隱再逢春  
村巷荒涼草沒人  
犬壞園中門作竇  
盜規墳上樹為薪  
官如巫祝難羞賤  
家似樵漁敢諱貧  
聞說鄰醅低價賣  
病夫一滴未沾唇

今歲春盤始住家  
也勝羈旅走天涯  
圃晴菜拆經霜甲  
林暖梅飛徧地花  
閒有工夫憂世事  
老無勲業惜年華  
近來死盡吟詩者  
得句聊從野叟誇

燈夕

千炬金梳映玉渠臺城昨夢又年餘斷無絃索鳴華屋  
惟見炊煙起草廬兒報瓶空因止酒婢言油盡暫停書  
蓬窗亦有精勤士何必然藜向石渠

戲孫季蕃

少日逢春一味癡輕鞭小袖趨芳時常過茶邸租船出  
或在禪林借枕歌名妓難呼多占定好花易落况開遲  
身今憔悴投空谷悔不當年秉燭嬉

紫澤觀

修持盡是女黃冠自小辭家學住山簾影靜垂斜日裏  
磬聲徐出落花間祭星綠簡親書字避客青衣密掩關  
最愛粉牆堪試筆苦無才思又空還

方寺丞新第二首

宅成天下借圖看始策書生眼力慳地占百弓多是水  
樓無一面不當山荷溪似入苕溪路石怪疑行雁蕩間  
只恐中原方鼎沸天心未遣主人閒

一生不畜買田錢華屋何心亦偶然客至多逢僧在坐



釣歸惟許鶴隨船按行花木皆僚友主掌湖山即事權  
京洛貴人金谷裏安知世上有林泉

方寺丞艇子初成

船成莫厭野人過久欲從公具釣蓑積雨晴來湖面濶  
殘花落盡樹陰多新營小店皆依柳舊有危亭尚隔荷  
所恨前峰含嶼色不然和月宿煙波

問友人病

病來清瘦欲通仙波炷香篝掃地眠野客勸尋康樂買

外人偷出近詩傳術庸難靠醫求效俗陋多依鬼乞憐  
鷗鷺如欺行迹少分明溪上占漁船

偶賦

身已深藏畏俗知客來鄰曲善為辭偶彈冠起成何事  
徑拂衣歸自一奇村飲婦常留燭待山行童亦挾書隨  
明時性學尤通顯却悔從初業小詩

贈翁定

相逢乍似生朋友坐久方驚隔濶餘徧問諸郎皆冠帶

自言別業可樵漁住鄰秦系曾居里老讀文公所著書  
十七年間如電瞥君鬚我鬚兩蕭疎

哭毛易甫

至尊殿上主文衡誰料臺中有異評垂二十年猶入幙  
後三四榜盡登瀛白頭親痛終天訣丹穴雛方隔歲生  
策比諸儒無愧色自緣命不到公卿

題方武成詩草

性僻愛詩如至寶借君詩卷百廻看吟來體犯諸家少

改定人移一字難東瀑為題猶天矯吞山入句尚蒼寒  
嗟余老鈍資磨琢安得同衾語夜闌

挽柯東海

不持寸鐵霸斯文疇昔曾將膽許君  
撰出騷詞奴宋玉  
寫成帖字婢羊欣  
喪無歸費人爭賻詩有高名遠亦聞  
昨覽埋銘增感愴  
累累舊友去為墳

書考一首

香火精勤閱一晷孤臣無路答鴻私  
銜如已廢陳人樣

俸比初開小學時  
世上升沈姑付酒  
考中供狀是吟詩  
五錢買得羊毛筆  
自寫年勞送有司

穴蟻

穴蟻能防患  
常于未雨移  
聚如營洛日散似去邠  
時斷續緣高壁  
周遭避淺池  
誰為謀國者  
見事反傷遲

宿千歲庵聽泉

因愛庵前一脉泉  
襍衾來此借房眠  
驟聞將謂溪當戶  
久聽翻疑屋是船  
變作怒聲猶壯偉  
滴成細點更清圓

君看昔日蘭亭帖亦把湍流替管絃

哭宋君輔

倚

早題淡墨魁多士晚著青衫事護軍方見叔孫來議禮  
已傳子夏去修文先朝繅藉為主壁近世摧殘用斧斤  
回首冶城棋飲地雁悽蟬咽不堪聞

觀元祐黨籍碑

嶺外瘴魂多不返冢中枯骨亦加刑稍寬末後因奎宿  
暫仆中間得彗星蚤日大程知反覆莫年小范要調亭

書生幾點殘碑淚為弔諸賢地下靈

答翁定

牢落祠官冷似秋  
賴詩消遣一襟愁  
喜延明月常開戶  
貪對青山懶下楼  
客詫瀑竒邀往看  
僧誇寺僻約來遊  
何當與子分峰隱  
飢嗅巖花渴飲流

聞城中募兵有感二首

調發多年籍半空  
虎符招補至閩中  
莊農戎服來搃戰  
太守儒裝學拍弓  
去日初辭鄉樹綠  
到時愁見戍旗紅

募金莫作纏頭費留製衣袍禦北風

昔在軍中日募兵萬夫魚貫列行營懸金都市招徠廣  
立的轅門去取精二石開弓猶恨少雙重被鎧尚嫌輕  
伍符今屬他人手歷歷空能記姓名

書事二首

黃旗旁午責軍需括匠搜船遍里閭士稚去時無鎧仗  
武侯屯處有儲胥糧空都內憂難繼甲出民間策恐疎  
昔補戎行今簡汰空搔短髮看兵書



人道山東入職方書生膽小慮空長遺民似蟻飢難給  
俠士如鷹飽易揚未見馳車修寢廟先聞鑄印拜侯王  
青齊父老應流涕何日鸞旗駐路旁

李文饒一首

畫取維州如槁葉策禽路將似嬰兒九原精爽人猶畏  
想見中書秉筆時

送葉知郡

未

家在春風住二年借侯無路意悽然到來不飲官中水

歸去難謀郭外田  
燈遠村民多點塔  
擔輕津吏易排船  
壺公亦似追程送  
青過囊山古寺前

身在一首

身在樵村釣瀨行  
秋毫不與市朝爭  
目云嗜酒相絕急  
謗到吟詩所犯輕  
沉水一鉢銷永晝  
蠹書數葉伴殘更  
閉門孤學無窮味  
笑殺韓公接後生

命拙

命拙躬耕逢歉歲  
旋營水菽度晨昏  
晴天田舍禾歸窖

臘日山家酒滿盆  
護竹短牆修復壞  
澆花小井汲來渾  
早知不是封侯相  
養笠何因肯出村

歲晚書事十首

荒苔野蔓上籬笆  
客至多疑不在家  
病眼看人殊草草  
隔林迢遞見梅花

踏破儂家一徑苔  
雙魚去換隻雞回  
幸然不識聾牙字  
省得閒人載酒來

書生元不信機祥  
老去無端慮事詳  
白髮社巫云日吉

明朝漂井更苦塙

鬱壘鍾馗尚改更青雲變幻幾公卿人間止有章泉叟  
撲斷衡山了一生

細君炊秫婢縹絲絲勝酥花揔不知窗下老儒衣露肘  
挑燈自揀一年詩

門冷如水儘不妨由來富貴屬蒼蒼誰能却學癡兒女  
深夜潛燒祭竈香

歲晚郊居苦寂寥日高鹽路去城遙  
淡淡榕逕苔塙裏

忽有銀釵叫賣樵

主公晚節治家寬婢慣奴驕號令難圓在屋邊傭種菜  
井臨砌畔怕澆蘭

日日抄書懶出門小窗弄筆到黃昏了頭婢子忙勻粉  
不管先生硯水渾

丐客鶉衣立戶前豈知儂自窘殘年染人酒媪逋猶緩  
且送添丁上學錢

元日

元日家童催蚤起起搔冷髮惜殘眠未將栢葉簪新歲  
且與梅花叙隔年甥姪拜多身老矣親朋來少興蕭然  
人生智力難求處惟有稱觴阿母前

野性

野性無羈束人間毀譽輕客言詩惹謗妻諫酒傷生窗  
納鄰峰碧瓢分遠澗清近來猶少睡打坐到鐘聲

懷保寧聰老

秣陵一見歎魁梧每恨斯人不業儒幾度劇談俱抵掌

有時大醉勸留鬚探梅尚憶陪山屐煨芋何因共地爐  
我已休官師退院宵來林下卓庵無

夾漈草堂

嶺絕瀑源窮曾于此築宮得知千載上因住萬山中故  
址苔荒盡遺書電取空高皇南渡始却議及招弓

西林寺

將謂如廬阜因迂數里行問俱無古迹來等慕虛名借  
榻眠難熟逢碑眼暫明殘僧逃似鼠難結社中盟

仙遊縣

不見層岡與複嶺眼中夷曠似江南  
煙收綠野連青嶂樹闕朱橋映碧潭  
丞相無家曾住寺聘君有字尚畱庵  
荒山數畝如堪買徑欲誅茅老一龕

自昔

自昔英毫忌苟同此身易盡學難窮  
習為聯絕真唐體講到玄虛有晉風  
螳子盡云參妙喜乞兒自許識荆公  
安知斯世無顏閔到死浮沉里巷中



耕仕一首

耕不逢年仕背時蕭然井臼掩茆茨貧求生墓為謀早  
病學還丹見事遲馬上功名成畫餅林間身世似持碁  
未應對客呈飢面尚有荒園可種葵

感昔二首

談攻說守漫多端誰把先朝事細看棄夏西郵忘險要  
失燕北面受風寒傷無公議扶种李中有流言沮范韓  
寄語深衣揮麈者身經目擊始知難

先皇立國用文儒奇士多為筆墨拘澶水歸來遶奏少  
熙河捷外戰功無生前上亦知強至死後人方誅尹洙  
螻蟻小臣孤憤意夜窗和淚看輿圖

燕

野老柴門日日開且無欄檻礙飛迴  
勸君莫入珠簾去  
羯鼓如雷打出來

過永福精舍有懷仲白二首

永福招提小步廊憶攜詩卷共追涼  
年來行處常迂路

纔近君家即斷腸

一樹梅花揜舊居  
主人僊去客來疎  
白頭留得吟詩友  
每見郎君勉讀書

春旱四首

一春閔雨動龍顏  
曉殿權停賀雪班  
林下散人看邸報  
也踈把酒廢游山

去冬玉塞靜無埃  
春雪雖遲亦壓災  
大士送歸天竺去  
相公先入浙江來

屋山無筍園無蔬  
釜冷樽空客至疎  
說與厨人稀作粥  
老夫留腹要盛書

清明無雨下秧難  
小麥低低似剪殘  
窮巷蕭然惟飲水  
家童忽報井源乾

得曾景建書一首

聞君別後買傾城  
酒戒中年亦放行  
遠使忽來知病起  
近書全未說丹成  
莫嫌身去依劉表  
曾有人甘殺禰衡  
何日斷原荒澗畔  
一間茅屋對寒檠

示兒

瓜芋村邊一畝宮，閉門不復問窮通。  
生羞秦技伶人裏，死怕標名狎客中。  
講學有誰明太極，吟詩無路和薰風。  
身今老矣空追悔，但祝吾兒勿似翁。

憶毛易甫薛子舒

昔在江東會集時，二君獨許詒心期。  
春風蕭寺同登塔，落日荒臺共讀碑。  
百吏染毫供草檄，萬花圍席看題詩。  
那知數尺無情土，別後雙埋玉樹枝。

哭趙紫芝

奪到詩人處詞林亦可悲  
世間空有字天下更無詩  
盡出香分妓惟留硯付兒  
傷心湖上冢誰墓復誰悲

中嶠先塋

昔遇重華席屢前因排貴  
近去翩然叩埤袖有馳毬  
疏易簣囊無沐櫛錢當日  
傳家惟諫草至今瞻族賴  
祠田原頭牢木蒼如此纔  
見山庵葺數椽

被酒

金史四十一  
卷八十九  
酒戶當年頗著聲，可堪病起困飛觥。  
醉呼褚令爲傖父，狂喚桓公作老兵。  
舊有崢嶸皆鏖去，新無壘塊可澆平。  
投床懶取騷經看，只喚梨花解宿醒。

夢豐宅之二首

一別茫茫隔九京，夢中慷慨語如生。  
老猶奮筆排和議，病尚登陴募拔兵。  
天奪偉人關氣數，時無好漢共功名。  
烽煙未靖王師老，寶劍雖埋憤未平。

斯人古少況于今，每恨諸賢識未深。  
朝給賸錢方掩骨，

家無餘帛可爲衾向來夫子真知己近世門生喜負心  
惟有天涯華髮掾獨揮衰涕望山陰

答鄭閩清

多着襦裙少裹巾形容蒼槁意清真舊時論語都忘記  
難做深衣社裏人

前輩

前輩日以遠斯文吁可悲古人甘尚友近世創無師晚  
節初寮集中年務觀詩雖云南渡體俗子未容窺



贈徐相師

許負遺書果是非子憑何處說精微使君豈必如柳大  
丞相元來要瓠肥袖濶日常籠短刺肩寒春未換單衣  
半頭布袋挑詩卷也道遊方賣術歸

寄何立可提刑

故人握節守齊安聞說邊頭事愈難赤手募丁修險隘  
白頭掇甲禦風寒半腰城甫包圍畢一把兵皆點摘殘  
收得去年書在架憶君燈下展來看

贈防江卒六首

陌上行人甲在身營中少婦淚痕新  
邊城柳色連天碧何必家山始有春

壯士如駒出渥洼死眠牖下等蟲沙  
老儒細為兒郎說名將皆因戰起家

昨者邵徐表奏通聖朝除吏遍山東  
新來調卒防秋浦又與山東報不同

自屬嫖姚性命輕君看一蟻尚貪生  
無因喚取談兵者

金史卷八十九  
來向橋邊聽哭聲

戰地春來血尚流殘烽缺埃滿淮頭明時頗牧居深巷  
若見關山也自愁

一炬曹瞞僅脫身謝郎棋畔走苻秦年年拈起防江字  
地下諸賢會笑人

哭黃直卿寺丞二首

久在文公几杖旁暮年所得最精詳貧甘香火辭符竹  
病整衣冠坐簣屨壯士軍中悲亮死先師地下惜回亡

法雲破寺三間屋却有門人遠赴喪

當年出塞共臨戎箭滿行營戍火紅督府凱旋先請去  
堅城築就獨無功身謀彼此皆迂濶國事中間偶異同  
莫怪些詞含哽噎在時曾賞小詩工

送章通判

半刺已官尊常時讀魯論身居恭叔里心在晦翁門貧  
士來遮路詩人送出村君能齊得喪何必戀華軒

聞何立可李茂欽訃二首

初聞邊報暗吞聲想見登譙與敵爭世俗今猶疑許遠  
君王元未識真鄉傷心百口同臨穴極目孤城絕救兵  
多少虎臣提將印誰知戰死是書生

何老長身李白鬚傳聞死尚握州符戰場便合營雙廟  
太學今方出二儒史館何人徵逸事羽林無日訪遺孤  
病夫疇昔曾同幕西望關山涕自濡

二君皆  
舊同官

鄰家孔雀

初來毛羽錦青蔥今與家雞飲啄同童子有時偷翦翅

主人常日少開籠  
嶠南歲月幽囚裏  
隴右山川夢寐中  
因笑世間真贗錯  
繡身翻得上屏風

讀崇寧後長編二首

自入崇寧政已荒  
由來治忽繫毫芒  
初為御筆行中旨  
漸取兵權付左璫  
玉帶解來頒貴倖  
珠袍脫下賜降羌  
諸公日侍鈞天譔  
不道流人死瘴鄉

陳迹分明斷簡中  
纔看卷首可占終  
兵來尚恐妨恭謝  
事去徒知悔夾攻  
丞相自言芝產第  
太師頻奏鶴翔空

如何直到宣和季始憶元城與了翁

題繁年錄

炎紹諸賢慮未精今追遺恨尚難平  
區區王謝營南渡草草江徐議北征  
往日中丞甘結好暮年都督始知兵  
可憐白髮宗留守力請鑒與幸舊京

七月九日二首

海激天翻電噴蒼松十丈劈為薪  
須臾龍卷它山去誤殺田頭望雨人

樵子俄從間路迴因言深谷響如雷分明雨怕城中去  
只隔前峰不過來

宿山中四首

城中人怪我清旦買芒鞋君若知其趣還應日日來  
就泉為碓屋累石作書龕有意耕汾曲無心起水南  
玉筍篆文古銀鈎楷法精得知千載下時有打碑聲  
淒風轉林杪露坐感衣單不道山中冷翻憂世上寒

村校書



短衣穿結半瓢空所住茅簷僅蔽風久誦經書皆點記  
試挑史傳亦旁通青燈窗下研孤學白首村中聚小童  
却羨安昌師弟子只談論語至三公

聖賢

聖賢自牧極卑謙後學才高膽力兼悔賦不妨排賈誼  
訪詩遂至勅陶潛

事見政和御史章疏

取人最忌規模狹絕物常

因議論嚴君看國風三百首小人賤隸抹何嫌

華嚴知客寮

簷外蒼榕六月秋。小年來此愛深幽。壞牆螢出如漁火。  
古壁蜂穿似射侯。涉世昏昏忘舊語。入山歷歷記前遊。  
故人埋玉僧歸塔。獨聽疎鐘起暮愁。

第四句亡友闕  
白所作今補足之

### 自勉

海濱荒淺幼無師。前哲藩籬尚未窺。玄詠易流西晉學。  
苦吟不脫晚唐詩。遠僧庵就勤求記。亡友墳成系索碑。  
天若假予金石壽。所爲詎肯止於斯。

### 少日

少日關河要指呼晚歸田里似囚拘氣衰不敢高聲語  
腕弱纔能小楷書座有老兵持共飲路逢醉尉避前驅  
子元兄弟何為者自是嵇康處世疎

示同志一首

滿身秋月滿襟風敢歎栖遲一壑中除目解令丹竈壞  
詔書能使草堂空豈無高士招難出曾有先賢隱不終  
說與同袍二三子下山未可太匆匆

送陳寺丞守南劍

詔免延英對輕裘見吏民極知忙救旱豈是急頒春邑  
為搜空壤州因獻美貧此行休戚係未敢賀朱輪

十月二十二夜同方寺丞宿瀑庵讀劉賓客集

瀑山木落霜寒夜共讀吾家夢得詩坐對遺篇忘漏盡  
手遮殘燭怕風吹森嚴似聽元戎令機警如看國手棋  
千載愚溪相對壘未應地下友微之

久旱即事

暘烏下飲百川空民自祠龍禱社公豈是長官渾忘却

水車聲不到城中

輸租常占一村先不望明時舉力田老畏里胥如畏虎  
敗人詩思攪人眠

哭陳鑰主簿

不但心孤介生形已怪奇在為官長罵沒使邑人思魂  
遠鄉猶隔名微世未知空存朋友誼到此力何施

答婦兄林公遇四首

霜下石橋滑蛩吟茅店清夢回殘月在錯認是天明

恨余行李速愧子酒杯長日暮于誰屋天寒陟彼岡  
自笑如窮鬼相從不記年每煩詩餞送不止辦車船  
挹君如玉雪未易得親疎何日深山裏同燈共讀書

崇化麻沙道中

經行愛此人煙好面俯清溪背負山半艇何妨呼渡去  
小橋不礙負薪還遠聞清磬來林杪忽有朱欄出竹間  
溪處安知無隱者卜鄰容我設柴關

館頭

雨雪蕭蕭驛堠長不堪流潦入車箱撫州城外黃泥路  
即是人間小太行

發臨川

始予牛角來家君綰銅墨縣齋多休暇縣圃足戲劇雖  
云嗜梨栗亦頗窺簡冊弟妹俱孩幼親髮方如漆後予  
捧檄至軒蓋候廣陌於時志氣銳門戶况烜赫郡花照  
席紅湖柳拂鞍碧耆老互訊問酒餽紛狼籍今予挑包  
過城郭宛如昔高年彫落盡滿眼少朋識管子仕瘴煙

屈叟掩泉安華門訪舊師目闇面黎黑買醪與之酌往  
事話壁壁既生異縣感復起故鄉憶吾翁墓墓深高堂  
已斑白貧居瘠髓空遠遊溫青隔二季官海濱女子各  
有適曾不如阿奴碌碌在母側回思盛壯時去矣難復  
得因成臨川吟吟罷淚橫臆

湘潭道中即事

敗絮龍鍾擁病身十分寒事在湘濱若非野店粘官歷  
不記今朝是立春



儼鼓鼙襲匝廟門可憐楚俗至今存屈原章句無人誦  
別有山歌侑桂尊

謁南嶽

中原昔分裂五嶽僅存一嗟予生東南有眼乃未覩清  
晨犯寒慄馬上親歷歷怪雲何處來對面失嵩華午投  
勝業寺僧訝余不憚茗餘因獻嘲君定非韓匹彼來既  
軒露君至若封鐫余謂僧無躁茲可以理詰止僧坐悅  
亭靈翳忽永釋石廩先呈身岫嶺俄見脊須臾天柱間

最後祝融出高峰七十二固已得彷彿鄴侯何嘗死懶  
殘元非寂恍疑在山中明當往尋覓咄哉三尺雪孤此  
一雙屐駕言欸靈瑣樓堞晃丹赤柏深不見人畫妙如  
新筆珠櫛千娉婷彈棋撫瑤瑟茫茫鬼神事荒幻難究  
悉吾師太史公江淮徧浪迹茲焉又浮相汗漫恣游陟  
雖然之毫端亦頗增目力規模五字體蟠屈萬丈碧詩  
成投褚中何必題廟壁

煙竹鋪

野迴村疎起暮寒偶逢廢驛卸征鞍主人家比漁舟小  
客子房如鶴柵寬燈與鄰通眠未易風從隙入避尤難  
似聞南去加蕭索一夜披衣坐不安

衡永道中二首

一舍常分作兩程雪鞭雨袖少逢晴平生不識終南徑  
來徬湖南堠子行

過了衡陽雁北迴鄉書迢遞託誰哉嶽山石鼓皆辭去  
惟有湘江作伴來

黃熊嶺

去廣右  
界一程

黃茅迷遠近不見一人行  
信步未知險回頭方可驚  
路由高頂過雲在半腰生  
落日無棲止飄飄自問程

零陵

畫圖曾識零陵郡今日方知畫未如  
城郭却臨瀟水上山川猶是柳侯餘  
驛亭幽絕堪垂釣巖室虛明可讀書  
欲買冉溪三畝地手苦茅棟徑移居

浹溪驛

苔滿朱扉半閤開  
更無人迹獨徘徊  
湘江臨別如相語  
早買扁舟出嶺來

全州

寂寂全州路  
家家荻竹扉  
異僧留塔在  
過客入城稀  
傳舍臨清泚  
官亭占翠微  
沙頭泊船者  
多自嶺南歸

春日五絕

眼邊桃李過匆匆  
鏡裏衰顏豈再紅  
久覺胃寒疎建焙  
新因血熱戒郾筒

步入西峰不見人數聲  
澗鳥自啼春下山欲與唐碑語  
先遣奴兵細拂塵

歸到城門欲發更馬頭  
惟有暮鴉迎小窗了却觀書課  
幾首殘詩旋補成

老懶何心更出嬉  
閉門終日讀陶詩  
相南二月花如掃  
恰似扶疎遶屋時

曉風細細雨斜斜  
僂僂書生屋角花  
想見水南僧寺裏  
一株落盡病山茶

上巳與二客遊水月洞分韻得事字

勝踐造物怪貧交世情棄昔戒十客來旦無一人至惟  
余暨兩君鼎足坐水次歡言天氣佳誰謂風土異高吟  
雜騷選序酌逮髻髯髭厓去惡詩捫石認缺字古來幾  
袂飲傳者纔一二蘭亭感慨多未了生死事杜陵更酸  
辛窮眼眩珠翠旨哉茲日遊超然遺塵累消搖千載後  
尚有浴沂意巖扉滑如玉歲月可鐫識

出城二絕

日日銅瓶插數枝  
瓶空頗訝折來稀  
出城忽見櫻桃熟  
始信無花可買歸

小憩城西賣酒家  
綠陰深處有啼鴉  
主人嘆息官來晚  
謝了酴醾一架花

武岡葉使君寄詩次韻二首

人各紛紛載後車  
誰能遠寄病相如  
雙旌已拜湖南牧  
一紙猶題嶺外書  
詩句騎驢遊蜀後  
情懷賦鵬弔湘餘  
若還闔郡春風暖  
便擬移家占籍居



憶昔逢君歲建寅，豈知今作<sup>廿</sup>南人。  
瘴來客病鄰山鬼，亂後身存託海神。  
目送飛鳶偏戀土，夢隨畫隼共行春。  
新詩寄到如雙壁，交契寧非有宿因。

移居

鄰曲無還往，何由有別情。  
惟應小窻月，長記讀書聲。

弔錦雞一首呈葉任道

炎州產文雞，毛羽固天稟。  
朱丹飾尾距，綵繡錯襟社。  
主人極珍憐，倫合分俸廩。  
置諸後園中小奴，司豕飲地荒。

龍柵疎客見輒危慄貍出沒精豪鼠窺伺稔諒垂彼  
饒涎或睎君高枕駭機中夕發果以斃來諗裂冠首立  
碎齧味聲已噤酷哉三尺喙殘此一段錦長嗟命瘞埋  
詎忍付烹飪始為文采累終欠智慮審老瞞戕孔公千  
載憤懣懣黃祖殺處士麓暴犯流品况茲毒鷲物尤索防  
閑甚善視雙翠衣夜涼勿嗜寢

哭孫行之

已了燈窓債心知舉業非立朝多諫草取友必深衣  
藝

窶貧時共書簡貴後稀病身偏惜淚一為故人揮

象奕一首呈葉潛仲

小藝無難指上智有未解君看橘中戲妙不出局外屹  
然兩國立限以大河界連營稟中權四壁設堅械三十  
二子者一一具變態先登如挑敵分布如備塞盡銳賈  
吾勇持重伺彼急或持如圍莒或速如入蔡遠砲勿虛  
發冗卒要精汰負非繇寡少勝豈繫強大昆陽以象奔  
陳濤以車敗匹馬郭令來一士沒黯在獻俘將策勛得

雋衆稱快我欲築壇場孰可建旗蓋葉侯天機深臨陣  
識向背縱未及國手其高亦可對狙捷敢饒先諱輸每  
索再寧為握節死安肯屈膝拜有時橫槊吟句法猶雄  
邁愚慮僅一得君才乃十倍霸圖務并弱兵志貴攻昧  
雖然屢克獲詎可自侈汰呂蒙能識羽衛瑾足縛艾南  
師未宜輕夜半防砍塞

送陶仁父

自古送行情味惡君行快似泛仙槎新班人少先投卷

下水船輕易到家南浦不堪看草色西湖尚不可及荷花  
諸公若問栖栖者為說吟詩兩鬢華

移竹

借居未定先栽竹為愛疎聲與薄陰一日暫無能鄙吝  
數竿雖小亦蕭森窓間對了添詩料郭外移來費俸金  
自笑明年何處在虛簷風至且披襟

題許介之詩藁

益公稱其詩

我留鳶跼外君住雁迴邊走僕行千里敲門授一編真

妍非粉黛至巧謝雕鐫何必周丞相男兒要自傳

郊行

薄有西風意郊行得自娛山晴全體出樹老半身枯林  
轉亭方見江侵路欲無何妨橋纜斷小艇故堪呼

老大

老大重登聘士臺客懷牢落可曾開臨流往往看鳬墮  
入署時時見馬來有約青山何日去無根白髮是誰栽  
自嫌不帶功名骨只合眠莎與坐苔

伏波巖

懸崖萬仞餘江流遶其趾仰視不見天森秀拔地起中  
洞既深豁旁竇皆奇詭惜哉題識多蒼玉半鑱毀安得  
巨靈鑿永削崖谷耻緬懷兩伏波往事可追記銅柱戍  
痕泊樓船下湟水時異非一朝地去亦萬里山頭博德  
廟今為文淵矣謂予詩弗信君請訂諸史

榕溪閣

山谷南邊  
維舟榕下

榕聲竹影一溪風遷客曾來繫短篷我與竹君俱晚出

兩榕猶及識涪翁

觀射

浪箭束如林，傍觀笑不禁。  
蠻平無事久，卒情可憂深。  
各自分牛鬻，何曾貫蝨心。  
種侯清澗後，能費幾黃金。

龍隱洞

先賢評桂山，推爾居第一。  
豁然碧瑤戶，夾似雙玉壁。  
中有無底淵，黑浪常蕩滴。  
諒當剖判初，倍費造化力。  
雷噴斧山開，龍怒裂石出。  
至今絕頂上，千丈留尾脊。  
寧論兒



女子壯夫股為慄我來欲題名腕弱墨不食摩挐狄季  
碑文字尚簡質今人未知貴後代加寶惜狀流工駭舟  
久游覺蕭瑟崑室寬如家迴權聊惕息

狄武襄公平蠻  
碑李師中待制

宋頌  
在馬

哭梁運管

叔  
丞相  
克家之孫

憶昔遊山猶昨日奄歸白晝隔存亡宅溪外不知何病  
豎雜人爭試一方弔客傷心同漚酒愛姬收淚各分香  
淳熙丞相潭潭府今日門庭冷似霜

湘中口占

船頭吹火盧仝婢馬後肩書穎士奴  
安得世間名畫手  
寫予出嶺泛湘圖

津吏沙邊立指呼放船出鎖放州符  
書生行李堪抽點  
惹波明珠一例無

見方雲臺題壁

寄書迢遞夢參差每見留題慰所思  
不論驛亭僧寺裏  
有山水處有君詩

金安正先生集卷八十九  
祁陽道中

昨過知岑寂重來况雪天  
人居雞柵裏路在鳥巢邊  
草樹開還閉茅山斷復連  
瀟江清似水悔不問歸船

愚溪二首

草聖木奴安在哉  
荒榛無處認池臺  
傷心惟有溪頭月  
曾識儀曹半面來

青雲失脚謫零陵  
十載溪邊意未平  
溪不預人家國事  
可能一例受愚名

湖南江西道中十首

獨醒公子去沈湘未識人間有醉鄉  
酒與離騷難捏合不如痛飲是單方

賈生廢宅草芊芊路出長沙一悵然  
今日洛陽歸不得招魂合在楚江邊

少陵阻水詩難繼子厚游山記絕工  
斷壁殘圭零落錦新碑無數滿湘中

去年冬至投僧寺今歲陽生宿店家  
獨夜無人堪晤語

青燈相對結寒花

蠻府參軍髯髮蒼自調款乃答漁郎從今詩律應超脫  
盡吸瀟湘入肺腸

丁男放犢草間嬉少婦看蠶不畫眉歲暮家家未綃熟  
萍鄉風物似幽詩

每朝介甫行新法常恨歐公不讀書浩歎諸劉今已矣  
路傍喬木日凋疎

茫茫衰草與雲平斗氣十年不復明惟有多情蓬上月

相隨客子過豐城

派裏人人有集開  
竟師山谷友誠齋  
只饒白下騎驢叟  
不敢勾牽入社來

上封已失嶽僧期  
客問丹霞謝不知  
懶到登山臨水處  
始驚筋力減來時

懷安道中

閩溪瘴嶺客程賒  
曉泊懷安喜近家  
大屋書旗夸酒米  
小舟鳴櫓競魚蝦  
溪移櫂已臨高岸  
潮退帆多聚淺沙

快着征衫鞭瘦馬要省二十里梅花

真隱寺


出郭斜陽已在山夜深乘月到江干  
奴敲小店牢扃戶僧借虛堂徑挂單  
駭浪急回因膽薄逆風小住為心寬  
投牀一枕瀟湘夢無奈霜鐘苦喚殘

乍歸九首

官滿無南物飄然匹馬還惟應詩卷裏偷畫桂州山  
兒童娛膝下母子話燈前却憶江湖上家書動隔年

北戍邊城下南游瘴海頭不知天地內何處可逃愁  
絕愛牆陰橘花開滿院香鄰人欺不在稍覺北枝傷  
孚若如天馬軒昂不可羈為貧疎飲客因病出名姬  
弛擔逢除夕檀欒共擁爐把如為客看還得似家無  
架書多散亂信手偶拈開匹似前生讀茫然記不來  
手種梅無恙蒼苔滿樹身可憐開較早不待遠歸人  
格力窮方進功夫老始知儘教人貶駁喚作嶺南詩





宋詩鈔卷八十九